

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 33. i 46. Zakona o izvršavanju Budžeta Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18) na prijedlog Ministarstva zdravstva, Vlada Zeničko-dobojskog kantona, na 137. sjednici, održanoj 26.03.2018. godine, d o n o s i

## **ZAKLJUČAK**

**o usvajanju Programa utroška sredstava planiranih u Budžetu Zeničko-dobojskog kantona za 2018. godinu na poziciji “Kapitalni transferi drugim nivoima vlasti- za zdravstvo”**

### **I.**

Usvaja se Program utroška sredstava planiranih u Budžetu Zeničko-dobojskog kantona za 2018. godinu (“Službene novine Zeničko-dobojskog kantona”, broj: 1/18) na poziciji “Kapitalni transferi drugim nivoima vlasti-za zdravstvo” u iznosu od 1.385.000,00 KM (slovima: jedan million i tri stotine osamdeset pet hiljada konvertibilnih maraka), koji čini sastavni dio ovog zaključka.

### **II.**

Sredstva planirana Budžetom Zeničko-dobojskog kantona za namjene predviđene ovim zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

### **III.**

Zadužuju se Ministarstvo zdravstva i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

### **IV.**

Zaključak stupa na snagu danom donošenja.

Broj: 02-\_\_\_\_\_/18.

Datum, 26.03.2018. godine

Z e n i c a

**PREMIJER**

***Miralem Galijašević***

DOSTAVLJENO:

1x Ministarstvo zdravstva,

1x Ministarstvo finansija,

1x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZDRAVSTVA**

**PROGRAM UTROŠKA SREDSTAVA  
PLANIRANIH U BUDŽETU ZENIČKO-DOBOJSKOG KANTONA ZA 2018. GODINU  
NA POZICIJI “KAPITALNI TRANSFERI DRUGIM NIVOIMA VLASTI -  
ZA ZDRAVSTVO”**

***Zenica, mart 2018. godine***

## **UVOD**

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), sredstva utvrđena u razdjelu 21, budžetska organizacija 01, potrošačka jedinica 01 Budžeta-Ministarstvo zdravstva – pozicija “Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

Ministarstvo zdravstva, sukladno članu 46. stav (1) Zakona dužan je Vladi Zeničko-dobojskog kantona predložiti program utroška sredstava iz člana 33. Zakona o izvršavanju Budžeta Zeničko-dobojskog kantona za 2018. godinu.

**Svrha Programa:** Ovim programom utvrđuje se utrošak sredstava za kapitalne transfere u oblasti zdravstva.

**Visina sredstava: 1.385.000,00 KM**

**Izvor sredstava:** Budžet Zeničko-dobojskog kantona za 2018. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 615100, pozicija “Kapitalni transferi drugim nivoima vlasti- za zdravstvo”.

Članom 13. stav 2. Zakona o zdravstvenoj zaštiti ("Službene novine Federacije Bosne i Hercegovine", broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra.

Članom 13. stav 4. Zakona propisano je da Kanton osigurava sredstva za ostvarivanje društvene brige za zdravlje.

***Potrošnja planiranih sredstava za kapitalne transfere podijeljena je u dvije cjeline:***

- I. Ulaganja u JU Kantonalna bolnica Zenica 1.185.000,00 KM*
- II. Nabavka opreme za potrebe ostalih javnih zdravstvenih ustanova 200.000,00 KM*

***I. Ulaganja u JU Kantonalna bolnica Zenica***

Vlada Zeničko-dobojskog kantona već nekoliko godina u Budžetu Zeničko-dobojskog kantona planira sredstva namijenjena za nabavku opreme i druga ulaganja koja imaju karakter stalne imovine u JU Kantonalna bolnica Zenica, sa ciljem da se poboljšaju uslovi rada u ovoj zdravstvenoj ustanovi.

Najveći dio planiranih sredstava za kapitalne transfere u oblasti zdravstva u 2018. godini odnosi se na ulaganja u JU Kantonalna bolnica Zenica u iznosu 1.185.000,00 KM ili 85,6% ukupno planiranih sredstava. U strukturi planiranih ulaganja na nabavku medicinske opreme i rezervnih dijelova se odnosi 988.650,00 KM, građevinsko-zanatske radove 114.450,00 KM i nabavku nemedicinske opreme 81.900,00 KM.

U sljedećem pregledu dat je spisak medicinske opreme i ostale opreme koja se planira nabaviti u 2018. godini sa planiranim sredstvima za navedene nabavke:

| <b>Red. br.</b> | <b>Vsta ulaganja</b>                         | <b>Iznos sredstava u KM</b> |
|-----------------|----------------------------------------------|-----------------------------|
| 1.              | Hirurški instrumentarij                      | 321.750,00                  |
| 2.              | Laparoskopski stub – Odjel hirurgije         | 152.100,00                  |
| 3.              | Inkubatori-Odjel pedijatrije                 | 70.200,00                   |
| 4.              | Aparati za hemodijalizu                      | 58.500,00                   |
| 5.              | Anesteziološki aparat                        | 93.600,00                   |
| 6.              | Body pletizmograf-Odjel pulmologije          | 70.200,00                   |
| 7.              | Impax-radio stanice sa monitorima RTG        | 64.350,00                   |
| 8.              | Špalt lampa-Odjel za očne bolesti            | 23.400,00                   |
| 9.              | Mikrotom-Odjel patologije                    | 17.550,00                   |
| 10.             | Ostala medicinska oprema i rezervni dijelovi | 117.000,00                  |

|            |                                                                              |                     |
|------------|------------------------------------------------------------------------------|---------------------|
| <b>11.</b> | <b>Ukupno nabavka medicinske opreme i rezervnih dijelova</b>                 | <b>988.650,00</b>   |
| <b>12.</b> | <b>Nemedicinska oprema –hladnjača za potrebe Službe za ishranu bolesnika</b> | <b>81.900,00</b>    |
| <b>13.</b> | <b>Građevinsko-zanatski radovi</b>                                           | <b>114.450,00</b>   |
|            | <b>UKUPNO (red. br. 11.+12.+13.)</b>                                         | <b>1.185.000,00</b> |

Sredstva planirana na rednom broju 10. „Ostala medicinska oprema i rezervni dijelovi“ se odnose na neplanirane nabavke koje se mogu pojaviti u toku godine.

**Kriterij za dodjelu sredstava:** Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona. JU Kantonalna bolnica Zenica provodi postupak nabavke u skladu sa Zakonom o javnim nabavkama (“Službeni glasnik Bosne i Hercegovine”, broj: 39/14).

Sredstva odobrena posebnom odlukom će se transferisati na račun JU Kantonalna bolnica Zenica broj:134-010-00000138-94 otvoren kod ASA banke, na osnovu zaključenog ugovora o nabavci i ispostavljenj fakturi od dobavljača.

JU Kantonalna bolnica je obavezna Ministarstvu zdravstva dostaviti dokaze o izmirenju obaveza dobavljaču.

## ***II. Nabavka opreme za potrebe ostalih javnih zdravstvenih ustanova***

Budžetom Zeničko-dobojskog kantona za 2018. godinu planirana su sredstva za nabavku opreme u ostalim javnim zdravstvenim ustanovama u iznosu od 200.000,00 KM, što predstavlja 14,4% ukupno planiranih sredstava. Kao i prethodne godine planiraju se određena sredstva za nabavku opreme u zdravstvenim ustanovama (domovi zdravlja), čiji su osnivači općine.

U sljedećem pregledu dati su iznosi planiranih sredstava po pojedinačnim zdravstvenim ustanovama, a namjena će biti utvrđena odlukama Vlade Zeničko-dobojskog kantona:

| <b>Zdravstvena ustanova</b>                              | <b>Iznos sredstava u KM</b> |
|----------------------------------------------------------|-----------------------------|
| Zavod za medicinu rada i sportsku medicinu Ze-do kantona | 60.000,00                   |
| Dom zdravlja Zavidovići                                  | 50.000,00                   |
| Dom zdravlja Usora                                       | 35.000,00                   |
| Dom zdravlja Žepče                                       | 25.000,00                   |
| Dom zdravlja Zenica                                      | 15.000,00                   |
| Dom zdravlja Tešanj                                      | 15.000,00                   |
| <b>UKUPNO</b>                                            | <b>200.000,00</b>           |

**Kriterij za dodjelu sredstava:** Na prijedlog Ministarstva zdravstva, a po zahtjevu zdravstvene ustanove Vlada Zeničko-dobojskog kantona donosi odluku o odobrenju sredstava u skladu procentom ostvarenja prihoda u Budžetu Zeničko-dobojskog kantona.

Zdravstvena ustanova provodi postupak nabavke u skladu sa Zakonom o javnim nabavkama (“Službeni glasnik Bosne i Hercegovine”, broj: 39/14).

Sredstva odobrena odlukom će se transferisati na račun zdravstvene ustanove na osnovu zaključenog ugovora o nabavci i ispostavljenoj fakturi od dobavljača.

Zdravstvena ustanova je obavezna Ministarstvu zdravstva dostaviti dokaze o izmirenju obaveza dobavljaču.

Broj: 02-\_\_\_\_\_/18.

Datum, 26.03.2018. godine

Z e n i c a

**PREMIJER**

***Miralem Galijašević***

DOSTAVLJENO:

1x Ministarstvo zdravstva,

1x Ministarstvo finansija,

1x a/a.